

Financieramente poderoso

E SAUDITANAN LO YEGA ARUBA DIAMARS OF DIARANZON PROXIMO

Nan ta seriamente intesa pa cumpra Lago

ORANJESTAD (AAN) For di fuentenan cu no sa faya den nan informacionnan, DIARIO a logra averigua cu entre Diamars y Diaranzon di e siman cu ta bin, e grupo di Arabia Saudita lo bin cu Jet priva Aruba, pa drenta den negociacion cu Exxon ariba e compra di Lago.

Manera ya DIARIO a yega di publica, ta bin Sr. Mohamed Islam, un representante califica di e grupo di Arabia Saudita cu ta interesa den cumpra Lago. E lo bin acompaña, segun otro fuentenan cu DIARIO a logra alcanza den exterior, di nan abogadonan pa finiquita e compra di e refineria si e prijs ta conveniente, y si Exxon ta dispuesto di bende e refineria.

Aparentemente Sr. Cavallaro lo a para ariba cu e refineria ta di Exxon y ta Exxon ta dici di kico e ta haci cune. Esey sin duda ta cierto, pero si el a ser ofreci na Venezuela, y tambe na Aruba, pakico si bin un grupo serio, financieramente poderoso y dispuestu pa cumpra, no ta bende cu e grupo aki? Exxon ta dispuesto of no di bende e refineria? Ta tempo pa Sr. Cavallaro hunga su cartanan den forma abierto y bisa ta kico tin tras di henter e asunto aki. Segun DIARIO tin en-

tendi, Exxon no ta mucho dispuesto pa bende e refineria, a pesar cu el a haci e oferta pa bende cu Venezuela caba, y tambe cu Gobierno di Aruba. Pero awor cu aparentemente tin un grupo cu hopi recurso financiero pa cumpra y opera e refineria ta bin algun obstaculo?

Si Exxon ta di buena fe, y no tin pakico duda cu e ta di buena fe, e lo atende e grupo di Sauditanan y si nan ta interesa y tin e placa pa cumpra, e lo mester por bende e refineria cu nan, ya cu e tabata dispuesto den dos ocasion pa bende, tanto cu Vene-

zuela como cu Aruba.

Pa fin di otro siman un definitiva lo cay den e asunto aki. Si Exxon no bende cu e grupo poderoso di Arabia Saudita, of si e grupo aki, pa motibonan

valido no cumpra e refineria, e posibilidadnan pa tene Lago habri na Aruba ta bira casi nulo.

Ta di spera cu e venida di e grupo for di asina leu lo sirbi pa un negociacion

a base di buena fe y un sentido estrictamente comercial, pa asina un empresa (cu ya ta un institucion na Aruba despues di 60 aña) sigui su operacionnan normal.

BERDAD NUNCA A PERJUDICA NINGUN HENDE NINGUN CAUSA NI NINGUN NACION



Bo Matutino
Netamente Arubiano

DIAHUEBS 10 DI JANUARI 1985 AÑA 3, No. 1225

FUGITIVONAN VENEZOLANO A VIAJA PA SANTO DOMINGO VIA ARUBA


ORANJESTAD(AAN)—Segun publicacion den El nacional ayera na Venezuela, e dos ehecutivo nan cu ta ser busca na

Venezuela, Focion Augusto Contreras Casique y Angel Amejeiras Soto, kendenan hunto cu seis otro ehecutivo di

Electricidad di Caracas, pa kendenan Juex XIII Superior Penal a dicta auto di detencion pa e tragedia di Tacoa, a via-

ja pa Santo Domingo via Aruba.

Segun e publicacion, un fuente policial a magsigui lesa pag. 16



Ayera anochi SAC a reuni cu participantenan di tumba. Contrario na e anochi anterior cu a reuni cu participantenan pa calypso y roadmarch, e sala tabata completamente yen. Den e edicion di awe lo por lesa di e reunion aki, di e cantidad di conjuntonan y cantantenan participante y di e cambionan cu lo tin e aña aki cu cantantenan cu a bay di un conjunto pa otro.



ECO Agency Aruba, N.V.

your custom broker & Agents
for all your shipping needs

Adres: Tomatenstraat #2
Phone: 26034-21726 Telex: 5188.eco.ag